

II - ARABAKO LURRALDE HISTORIKOAREN TOKI ADMINISTRAZIOA

ZALDUONDOKO UDALA

2021-2022 ikasturtean euskara ikasteko beka deialdia

Zalduondoko udalbatzak, 2022ko urtarrilaren 13ko osoko bilkuran, onespena eman zien 2021- 2022 ikasturtean euskara ikasteko laguntzak arautzen dituzten oinarriei.

Bat etorri Dirulaguntzen azaroaren 17ko 38/2003 Lege Orokorrak 9.3 artikuluan eta Administrazio Prozedura Erkidearen urriaren 1eko 39/2015 Legeak 45.1 artikuluan xedatutakoarekin, argitaratu egiten dira, denek jakin ditzaten.

Zalduondo, 2022ko urtarrilaren 17a

Alkatea

GUSTAVO FERNÁNDEZ VILLATE

2021-2022 IKASTURTEAN EUSKARA IKASTEKO DIRULAGUNTZAK EMATEKO OINARRIAK

Lehena. Araudiaren helburua

Zalduondoko Udalak euskararen normalkuntza lortze aldera eta, bereziki, herritarren artean hizkuntza gaitasuna handitu eta erabilera areagotzeko asmoz, euskararen ikaskuntza bultzatzea erabaki du.

Horretarako, euskara ikastaroak burutzen dituztenei luzatu ohi zaizkien diru-laguntzei jarraipena emango die, baita hauek arautzeko oinarriak finkatu ere.

Halaber, Udalak bere urteroko aurrekontuetan xede horretarako aurrekontu-saila gordetzen dela bermatuko du.

Bigarrena. Aurrekontu kreditua

Deialdi honen bidez emandako diru-laguntzak 2022ko aurrekontu orokorreko 335.227.991 diru-partidari lotuta egongo dira, eta hau 1.000 eurokoa izango da. Eskaerak diru-partida gaindituz gero hainbanaketa egingo da eskaeren artean.

Hirugarrena. Hartzaileak

Hartzaileak diru-laguntzak jasotzeko baldintza hauek bete beharko dira:

a) Zalduondoko udalerriko erroldan egotea, bai ikastaroa hasterakoan, bai ikastaroa bukatutakoan.

b) 16 urte baino gehiago edukitzea izena eman orduko.

c) Helduen Alfabetatze eta Berreuskalduntzerako Erakundeak (HABE) onetsitako euskaltegi eta ikastaroren batean matrikulatuta egotea.

d) Barnetegia burutuz gero, aurreko puntuan esandakoak betetzea. Dena den, ikastaroak besterik ez dira diruz lagunduko, mantenua eta ostatua ikasleen esku geldituz.

e) Aukeratutako ikastaroak Helduen Euskalduntze eta Alfabetatzerako Oinarrizko curriculumaren maila bat gainditzeko beste ordu jasotzen direla bermatu beharko du.

f) Gutxienez ehuneko 80ko asistentzia bermatzea edo ikastaroa gainditzea.

g) Euskara ikasteko beste diru-laguntzarik eskuratzeko aukera izanez gero (Merkataritza Ganbarak, HABEk ... luzatutakoa) diru laguntza eskatuta izatea.

h) Ikastaroa 2021eko urriaren 1etik 2022ko irailaren 30era bitartean egina izatea.

Laugarrena. Diru-laguntzen zenbatekoa

a) Eskatzailea langabe egonez gero, matrikularen ehuneko 100 jasoko du. Beti ere, araudian agertzen den diru-laguntza kopuru maximoa gainditzen ez badu. Hala balitz kopuru maximoa jasoko luke.

b) Gainerakoek matrikula osoaren ehuneko 50 jasoko dute. Beti ere, araudian agertzen den diru-laguntza kopuru maximoa gainditzen ez badu. Hala balitz kopuru maximoa jasoko luke.

c) Diru-laguntza kopuru maximoak 600 eurokoak izango dira.

d) Eskatzaileek ikastaroaren iraupenaren ehuneko 40 baino gehiago lan eginez gero, laguntza ehuneko 50ekoa izango da. Ehuneko 40 baino gutxiago lan eginez gero, langabetu moduan hartuko da eta ehuneko 100 jasoko du.

e) Eskatzaile batek lanaldi partzialeko kontratua edukiz gero, eta lanaldia ehuneko 40koa (40 ordu astean) baino txikiagoa bada langabetu bezala hartuko da eta matrikula osoa jasoko du. Lanaldia ehuneko 40koa baino handiagoa bada matrikularen ehuneko 50 jasoko du.

f) Beste erakunde batetik diru-laguntza eskuratuz gero, eta matrikula baino kopuru baino txikiagoa jasotzekotan, Zalduekiko Udalak diferentzia luzatuko du, beti ere, araudian agertzen den diru-laguntza kopuru maximoa gainditzen ez badu.

Bosgarrena. Aurkeztu beharreko agiriak

a) Eskabide orria.

b) Eskatzailearen nortasun agiriaren fotokopia.

c) Ikastaroaren ezaugarriak zehazten dituen euskaltegiaren ziurtagiria (hasiera-bukaera egunak, asistentzia datuak...).

d) Matrikularen ordainagiria.

e) Langabe egonez gero, langabezian egondako aldiaren ziurtagiri ofiziala.

f) Jasotako beste diru laguntzen zenbatekoa adierazten duen agiria.

Seigarrena. Eskarien aurkezpena

a) Zalduekiko Udaletxean aurkeztu beharko dira eskariak, bulegoetan luzatu eskabide orriaren bidez eta eskatu agiriekin batera.

b) Eskariak urte bakoitzeko urriaren 31 arte aurkeztu ahal izango dira, eta igarotako ikasturteari dagozkionak izango dira.

Zazpigarrena. Eskarien azterketa eta ebazpena

a) Aurkeztutako eskariak baldintzak betetzen dituzten aztertuko du Udalak eta ondoren, ebazpen baten bidez, onartuen eta baztertuen zerrenda egingo du.

b) Baztertuei, halere, aukera emango zaie dokumentazioa osatzeko edota egoki joz gero errekurtsioa aurkezteko, betiere, indarrean dagoen legediak ezartzen duenaren arabera.

c) Beste erakunde batzuetatik laguntza jaso duten kasuei jarraipena egingo zaie, diru-laguntza horren zenbatekoa egiaztatzeko.

Zortzigarrena. Datuak egiazkoak ez izateaz

Eskabidean aurkeztu beharreko daturen bat edo agiriren bat gorde edo faltsutzeak eskabidea baliorik gabe uztea ekarriko du, eta erantzukizuna eskatzailearen gain geldituko da.